

S`Schniedbrättli, s`Messer,
D`Tommy isch ä Ässer un ä
Choch wohs gnauh nimmt,
Un d`chrütter grad uffs Maas trimmt.

De Schnittlauch jo nur schmeckt,
Wenn er`s richtig Maas het,
Dann de Pfeffer, alli Farbe,
Chöchlet d`Sosse, bruuchsch nit darbe,
Wenn de dann am Disch hoggsch.

“Chumm jetz dann zem Ässe,
chasch de Härd ä moment vogässe”,
m`r warte scho so gluschtig,
biss de züenis hocksch denoh, eih

Chor: Mmh Tommy, mmh Tommy, mmh Tommy—
Mensch hock jetz emohl ane,
Un seggle nit devoh,
De Maage chnurrt, i weiss nit recht,
mir wänn jetz ässe doh, hey.

Chor: Mmh Tommy, mmh Tommy, mmh Tommy—
Dann hockt er schnell dezüe,
Het de Chuchiplan voh morn im Chopf,
De „Drüllli“ un si Metzgerei,
Schwänzli, Chnöchli, Innerei,

Für alli wo`s schoh röchle,
Bim Tom, doh muess es chöchle, chöchle, chöchle, chöchle, chöchle.

Dann hockt er do am Rhii-
-het alli Ruete mit debi
un wartet uff de grosse Fang
Stunde-, -mängmol tagelang, ooh,

Chor: Mmh Tommy, mmh Tommy, mmh Tommy---

Un fangt er mol ä Fisch-
-haut ihn deheim denn uff de Disch
d`Freud in siine Auge-
-die isch riesegross, sag,

Chor: Mmh Tommy, mmh Tommy, mmh Tommy---

„S`Rehle in“ chunnt dann iine-
-seid, bisch jetz ändlich z`ruck
-zeig moll was de g`fange hesch-
-wo isch das riesig Stuck,

Chor: Mmh Tommy, mmh Tommy, mmh Tommy---

Er zeigt dann numme uff de Disch-
-was dört lit` isch ke riesig Fisch
-des längt jo wirklich niene ane
-des Ässe mien mir neu verplane, uhuhu,

für alli wo`s nit wüsse
-bim Tom, bim Tom mien Fisch bisse, bisse, bisse,
-mien Fisch bisse, bisse, bisse,
-bim Tom mien Fisch bisse, bisse, bisse.....

Chor: Mmh Tommy, mmh Tommy, mmh Tommy---